



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 1. De Sclauiâ.

urn:nbn:de:hbz:466:1-13167

LIBER SECUNDVS.

*De Magno Hungaria Regno, seu Regionibus olim
Hungarico Sceptro subditis.*

Sic appellamus Regionem illam quæ Germaniâ, Poloniâ, Italiâ, & Græciâ restringitur, quia id totum fuisse Hungarici iuris, ex historiâ Hungaricâ intelligimus. De Sclauoniâ maiori liquet, cuius etiam pars nondum ab eo reuulsa est, & Iaderensis Comitatus Venetis est vèditus ab Rege Hungariæ. Seruia quoque & Bossena Hungaros agnouere antequam iugum Ottomanicum reciperent. Bulgari sàpe cum Hungaris depugnarunt, & ab iis subiugati sunt. De Transyluanâ, & Valachiâ, tam certum; vt ne quidem aliqui Poloni dubitent; quamquam in eas prouincias aliquid sibi iuris vindicent.

Nos autem Hungariam Magnam vocamus, quod alij REGIONES ISTRICAS eruditè nuncupant, tractum illum porrectum secundùm longitudinem ab ostio, aut oppido Fiume, Italico limite ad Kiliam veterem in ostio Istri; secundùm latitudinem verò ab ostio Fl. Drini vel Ladrini Albaniæ termino, ad montem Carpathum. Ac proinde longitudine hæc complectitur Millaria Italica 780. Francicas leucas 390. Hungaricas 182. Bulgaricas 195. Latitudo verò continet Millaria 420. nostrates leucas 210. Bulgaricas 105. Hungaricas 98. Nunc de singulis prouinciis, seu Regionibus aliquanotabimus priusquam earum Geographiam proponamus.

CAPVT PRIMVM.

Historica descriptio.

§. I. *De Sclavia.*

NUMERVS 1. *Nomen.*

ALITER Sclauonia, à slavis, seu slauinis, accepit nomen, de quibus in Poloniâ diximus; Germanicè dicitur Vindischland,
Pp ij

300 DE MAGNO REGNO HVNGARIÆ,
hoc est regio Vinidorum, quia Vinidi, seu Venedæ cum Slavis
iuncti eò penetrarunt. Olim autem complectebatur Croaciā &
Dalmatiā, nunc fluminibus Sauo & Drauo restringitur.

NVM. 2. Qualitas.

AER h̄ic serenissimus; terra miræ fertilitatis, quia fluuiis egre-
giè eluitur: vnde, quod mirum, inter Turcicos tumultus frumen-
to, pecore, & armentis diues.

NVM. 3. Mores.

ANTIqvorum Slavorum mores ex libro 3. Procopij de rebus
Gothicis repetes, ex quo hæc pauca. Omnes ferè subruffo capillo,
neque callidi, neque malitiosi: peregrinos humaniter accipiebant,
in quos omnia sua liberaliter effundebant, ex quâ profusione pen-
debat eorum fortitudo apud populares: immo hæc, furta excu-
sabat. Si quis autem domo suâ exclusisset hospitem, domus eius à
quouis poterat inflammari. Degebant in casis vilioribus, quas s̄e-
pe mutabant. Cæterū piratæ crudeles, & vicinis intolerabiles:
ita Slavi veteres. Nunc autem proximè ad Turcas accedunt: om-
nes bellicosi, & id vnum orant Deum, ut armati moriantur, & in
bello; optant autem inimicis mortem domi, & in lectulo. Rerum
nouarum amantiores sunt, ideo facilè concitant seditiones. Du-
plici vtuntur Alphabeto Cyrilli, vulgò Chiuriliza, seu Ruthenico
vix à Græco dissidenti, & S. Hieronymi, vulgò Buchuiza, seu Dal-
matico 32. vel 33. literarum.

NVM. 4. Politia.

PARTIM est Austriaci ob regnum Hungariæ, partim Turci-
ei iuris; sed quia inter Germanos & Ottomanos pax infida, con-
uenere Principes sub initium huius s̄eculi ut causæ omnes, & li-
tes de incursionibus à Præfectis, Agrauensi, Arrabonensi, & Bu-
densi dirimerentur; nec fœdus abruptum censeretur, nisi bellica
tormenta educerentur.